

精鈔
大字

隨

園

全

集

詩集

十二

歐陽文忠公全集卷之六

小倉山房詩集卷九 癸酉

錢唐袁枚子才

折花詞為陶西園作有序

西園小住隨園。酒後為余書隨園記于屏門。屏後女奴阿招。清臚偶觸陶目。營然欲有紫雲之讀。而弱于顏。乃謬為恭敬。書法益工。呂進士炳星為通其意。甚婉。阿招知之。奮袖請行。正月七日。諸名士集隨園。沈司馬補羅簪花。給事中方王川捧鏡。王太守孟亭持城寄。主人供帳具。婚畢。各賦一詩。

舊雨相逢話別離。空山無物衣相思。憑君折取園花去。當作河梁柳一枝。一曲更衣願也無。更將郎意試官奴。玫瑰淺笑西窗下。道見羅敷早採蘋。粉澤蘭熏墨數行。南都人士盡催妝。送香蜂蝶填橋鵲。共助先生一夕忙。江郎老去生花筆。書罷屏風更畫眉。吩咐雲鬟好調護。早朝時與晚衙時。

呂炳星進士合卷歌

天上三星明一簇。八鸞鏘鏘宴寒玉。人為呂範賦催妝。我學校臯作襟祝。憶昔館符東海東。呂郎傳經綺帳中。芬芳謝覽春闈似。清瘦裴寬碧鷗同。三年秩滿賦南征。魯國諸生散若星。獨有蘇章偏負笈。從師直到石頭城。一領欄衫馬前拜。館餐重把高賢待。訟庭花落各題

幾秋夜燈涼同緩帶。湘簾高捲夏侯衣。女樂行觴似泥。呵氣誰知王謬貴。留心早有負羈
妻。吾妻家世琅玕宅。三妹劉家俱有適。少姑居處獨無匹。璇宮夜抱冰絲織。椿萱堂上都無
有。年來阿姐如阿母。買馬須看未駕時。求郎莫待登科後。一枝釵綴水精珠。代付檀郎寫聘
書。老子仍居丈人行。門生化作小姨夫。鋒車北去雪霜深。千里飛奴少信音。聞死鳳遲燒尾
宴。天涯人倦看花心。十年不字春將老。粥粥羣雌催鵲鳥。不教青桂近嫦娥。難信冰人雙目
好。一朝南館詠霓裳。兩到蟾宮馬足香。借得天錢迎織女。歸攜玉杵拜劉綱。江水茫茫波又
波。江妃路遠越如何。老夫手指銀河路。老妻願撒妝奩助。讓出空山紫竹林。隨園便是黃姑
渡。園中四面好樓臺。三百梅花樹樹開。景龍撒帳金錢艷。單伯迎姬甥館佳。上元地界上元
朝。月帶清波水上搖。春逢佳節風都軟。花對紅燈分外嬌。莫學元韶弄女婿。且聽庾亮訓荆
條。呂郎呂郎進一卮。老夫歌罷還有詞。栽桃種李今朝畢。管到東風結子時。

哭許滄亭觀察

送別深留我。歸來竟哭君。咸陽游子淚。白下故人墳。薄海橫馳譽。湘江最勒勳。高才生眾敵。
餘勇整殘軍。老卜金陵宅。幽棲若水濱。空堂飛反石。平地起煙雲。裙屐當筵滿。笙歌鎮日聞。
達觀娛暮景。苦志託斯文。有律吹寒谷。無戈挽夕曛。酒壚人冉冉。花塢雪紛紛。老父終天
恨。先生慰問勤。信纔三日斷。手又百年分。夜雨鳴鷓鴣。秋霜感雁羣。招魂呼麈尾。何處召靈

氣

山居絕句

草草亭臺布置餘。今年真個愛吾廬。牙籤都放西廊下。自有斜陽來曝書。朱藤花壓讀

書堂。分得桐陰半畝涼。新製玻璃窗六扇。闌窗依舊月如霜。鎮日山腰劖白雲。裁量煙草

話紛紛。春衫不用金爐熱。自向百花香裡熏。穿林繞磴問桑麻。空翠無聲染素紗。笑撲

衣裳似蝴蝶。半粘竹粉半松花。山頂樓高暮雨寒。飛雲出入小闌干。浮空白浪西南角。

收取長江屋裏春。長風高閣易生秋。客散青天酒未收。六代雲山孝陵樹。一齊排著使

人愁。雲錦淙邊折樹枝。枕煙庭上寫烏絲。顏含性命無勞卜。表聖功勳只賞詩。肯

蘆葉葉動春潮。堤上楊花帶雪飄。滿地月明仙鶴語。碧天如水一枝簫。讀書鎮日為書

忙。別有清眸一寸光。問我歸心向何處。三分周孔二分莊。萬重寒翠盡空明。四面紅牆

築不成。十丈籬笆千樹竹。山中我自育長城。客秋此日正長途。萬里歸來猿鶴呼。半夜

松濤聲作雨。尚疑飄泊在江湖。

以琴與古林禪師易竹

抱出綠綺琴。換師青琅玕。此琴分明出家去。冰絲對月空愁嘆。臨別再彈音轉促。真個絲聲

不如竹。明朝看竹坐清風。未免感舊懷絲桐。竹亦莫愁別。琴亦不離羣。僧家鐘磬我家月。只

隔青山一片雲

即事

吹得鶯花老。東風也暫停。松聲晴亦雨。山色斷還青。竹粉粘黃蝶。荷珠瀉綠萍。張融手何物。小品法華經。

謝鹿詩并序

家弟侯侯明府。畜蘭。鹿跳出。籍敗其葉。隨盡。明府怒。囚之獄。子才子馳檄救之。且乞之。檄成。無任使者。杭州何西舫孝廉適至。喜捧檄。鑿行。日昃四弓。丁昇檻車。至奔觸奮迅。不可逼視。已而入高山。騰深林。蹶蹶呦呦。首舞至地。若曰。減死竄竄。且入山。如太白流夜郎。子瞻放儋耳也。得其所哉。為詩慶明府。為得鹿者謝。兼為鹿謝。

山人山居苦無偶。嘗思得鹿如求友。鹿本居山忽在官。身雖官途心否否。呦呦聲中張齒牙。琴堂大嚼幽蘭花。使君能吏政尚猛。威不及汝心咨嗟。信陵公子鵠伏嗔。童恢賢令虎畏神。從來國法及野獸。傷蘭之罪如傷人。鐵鎖銀鐐牽鹿到。囚之獄中獄吏笑。雙角權為園土低。生弱難祭羣陶廟。山中之人笑且呼。馳書救鹿鹿無辜。譬如將我束手板。我豈肯循規矩乎。求者不得得者輕。世間萬事何由平。山人養鹿官養蘭。蘭肥鹿健兩相安。主人大笑阿兄語。敝書立下瑟瑟鼓。滿山猿鶴迎且舞。誰為嘉賓誰為主。夏麥茫茫草正青。山人日日吹金笙。

昨宵無夢竟得鹿。滿庭雨滴芭蕉聲。

雨

當窗三日雨。對面一峯沉。花有消魂色。鶯無出樹心。怒蛙爭客語。新水學琴音。折竹教僮試。前溪幾尺深。

讀寒朗傳

楚王興大獄。薄海罹災殃。朝廷誅妖逆。救者為不祥。賢哉寒大夫。慷慨對漢皇。自言當族滅。不與人共章。臣見考囚時。各以鍛鍊強。考十連百千。猶恐未精詳。陛下問公卿。貪曰大聖仁。罪合及五族。今止及其身。天下已幸甚。臣等復何言。及其歸舍坐。仰屋竊長嘆。明知覆盆冤。龍鱗未敢干。臣願陛下悟。萬死臣亦安。寒公語未終。天子顏色變。急命金根車。自幸洛陽殿。赦出千餘人。哀哀淚如霰。當時無此公。青天空雷電。

侵曉

侵曉巴童太喫虛。驚呼雨濕北窗書。小池陡長一犁雨。漂出我家紅鯉魚。

墾地五尺許栽禾為戲

田小農易作。開墾在須臾。試此土膏美。栽禾三十株。新秧影太孤。及長勢相扶。茫茫綠雲舒。亦若懷新居。未敢望收穫。姑且勤畝畲。下不給妻子。上不輸王祖。得其趣而已。老農吾不如。

雨後步水西亭

雨氣不能盡。散作滿園煙。好風何處來。荷葉為翩翩。羣花浴三日。意態柔且鮮。幽人傾兩耳。竹外鳴新泉。啁啁一鳥歇。聞聞羣蛙連。暝色起喬木。斷虹媚遠天。蝸過有殘篆。琴潤無和絃。憑闌意悄然。與鷗相對眠。

僧房

僧房憑畫檻。流目眺平原。疎雨過千里。夕陽紅半村。風涼花氣歛。室小佛香溫。昨日彈碁處。苔階墮子存。

積水暴流命僮建閘為瀑作

雨停樹上聲。水作溪中響。溪當兩山凹。奔流尤莽莽。呼僮東以閘。銀河隨手長。雖躍一尺布。已過千人賴。勢連山帶飛。氣挾虹橋往。花落影不留。魚去叛成黨。逝者如斯夫。空存濠濮想。倪素峯歸棹圖

我思作一舟。其速如飛鴻。不載人離別。只載人歸家。煙蓬竹櫓作未就。年年遠客愁風沙。先生持筆向我笑。丹青紙上聲嘔嘔。夜來有夢畫有畫。我今歸矣還知他。

何西舫來看瀑布

黃梅時節掩柴荆。聽得敲門踏濕迎。舊雨乍來披草立。新泉臨去向花鳴。千枝荷葉珠同瀉。

一片銀河浪有聲。絕似天台結遊伴。溪邊驚看石梁橫。

朱草衣寒燈課女圖

牆角春深一樓雨。老燕雌雛作低語。草衣山人四壁空。繞膝呻吟惟一女。貧家贈女無奩資。只有一本周南詩。女郎呶呶未上口。海棠花下親教之。不願女兒通九經。入宮天子呼先生。只願女兒粗識字。酒譜茶經相夫子。阿母墳邊春草綠。阿翁吟苦家無粟。恰恐春華委逝波。為兒常買三條燭。讀罷殘雞腦脾鳴。茅屋一丸織女星。

翁齊堂三十三山草堂圖

四海才名六十春。青鞵布襪軟紅塵。平生事事謙沖甚。只有青山不讓人。香山溶水影。

迢迢綠樹橫陳。葉未凋。半畝草堂江上好。不關門住等春潮。試罷彤廷戶不開。談經重。

薦伏生才。一時猿鶴驚相顧。花外蒲輪今又來。

與郭鳳池侍講秦淮話舊作

當頭新月墜纖纖。十二年來更隱兼。人似孤鴻雲聚散。詩如老將律精嚴。黃梅雨久秦淮闊。紅藕花深畫舫添。料得憑欄定含睇。六朝春在水精簾。攜手雞壇五少年。山河一夢酒。

壚邊。參軍蠻語今能否。海上琴聲更渺然。舊雨竟無知己賦。新詩偏有悼亡篇。夕陽小騎。

梅花影。若憶金臺掃雪天。欲續鸞膠帶雨聽。風騁小住玉河亭。家家短笛橫窗過。日日。

長眉隔水青。深夜花明燈照影。雕欄酒罷月當庭。尋春我有藍橋路。且飲瓊漿再乞靈。
南州才遇郭林宗。又說歸心似轉蓬。鴈角風標傳白下。唾壺恩寵極青宮。天邊月落應思我。
山裏雲多不贈公。遮莫題襟桃葉渡。暮潮愁送夕陽紅。

次日侍講納姬索詩

吹笛青溪雁影分。一家人戴雨船雲。

侍講令兄先娶一姬

玉蓮花壓連宵雨。六月深涼似為君。

尋

春甘苦我深嘗。此事難於上太行。剛好一枝真碧玉。定情親勸汝南王。

曳杖看雲歌贈張玉川

太湖白雲三萬頃。有人看過五十年。神仙贈與綠玉杖。追雲直到湖水邊。白雲都向煙波入。
先生曳杖湖邊立。煙波重見白雲生。先生曳杖湖邊行。疑是騎雲鶴。皎潔隨風落。又疑雲中
君。飄飄白練裙。誰知乃是玉川子。半生脚踏長安市。長安故人不相待。富者乘車貴張蓋。或
如麟鳳翔高天。或惹驚風飄塞外。不見為霖澤物有餘功。但覺白衣蒼狗無多在。長揖五侯
門。吳江一葉開。看雲揩老眼。重理舊生涯。鎖雲囊製更贏手。撥雲篇費蘇公才。醉倒洞庭山
頂最高處。大呼七十二峯雲出來。

瘞梓人詩

梓人武龍臺。長瘦多力。隨園亭榭。率成其手。癸酉七月十一日病卒。素無家也。收者

寂然。余為棺殮。瘞園之西偏。為詩告之。

生理各有報。誰謂事偶然。汝為余作室。余為汝作棺。瘞汝於園側。始覺於我安。本汝所營造。使汝仍往還。清風飄汝魄。野麥供汝餐。勝汝有孫子。遠送郊外寒。永遠作神衛。陰風勿愁歎。

雜詩三首

仙人王子喬。成仙太少年。張口吸虹采。乘鸞翔雲煙。忽然笑天上。玉齒流電光。奴視黃初平。羣龍罰一觴。遠謫西海去。霜雪風蕭蕭。騎鯨不得下。一日如千朝。歸馭浮金房。琪花開尚好。深悔洩天機。守口如瓶小。

驚飈盪層嵐。危葉墮寒露。潦清察淵魚。林空見孤兔。肅肅霜華新。赫赫金丸度。幽人傾兩耳。萬籟俱非故。感茲秋更清。緬懷歲將暮。揮戈少回光。控弦無遠步。英英對白雲。衡茅須汝護。洪鈞陶萬類。濛濛如沙輕。賴有數行字。賢者垂其名。國史高一尺。不向卷首爭。生存已無傳。奚待丘隴平。白髮不可鑄。黃金不能成。不如飲美酒。未死先冥冥。

春雨樓題詞為張冠伯作

江南九月秋雨多。采菱女兒唱棹歌。歌聲宛轉入雲去。木葉慘慘水不波。金荃譜好何人製。道是京江張公子。公子滄桑四十年。鄙人約略能彈指。儂住錢塘江上村。錢塘作鎮李將軍。乘龍塔得張延賞。花燭人間第一春。崔盧門第武安家。弄玉吹簫鳳引車。艷艷華燈金作屋。

層層步障樹交花。兩家門第氣如虹。況復姮娥出月宮。仙樂風高香遠近。珠璣人掃路西東。
官銜書亮三千管。釵費爭傳百萬工。自憐短髮初垂額。鵲闌也看羊車客。望得衣裳影半痕。
便成春夢三生隔。長安作隊走名場。市上相逢各老蒼。忝著宮袍歸索婦。馬頭纔拜北平王。
此時金印已模糊。此日華池錦尚鋪。聞說霓裳家按譜。有時王女共投壺。憐才到處夸袁虎。
意氣公然似灌夫。誰知白日堂堂去。黑雲一陣風來處。賈氏貪爭沁水田。石家禍起珊瑚樹。
魏其賓客霍家奴。崑岡失火燒無數。仲山父鼎孔惺鐘。曾與山河誓始終。兩入星牢都脫手。
一朝平地蹟秋風。雄雞斷尾何人悟。象齒焚身自古同。禍水家家欲滅難。命燈誰肯續三竿。
罪雖全雪家何有。死竟無名骨不寒。青山莊在路人遊。臺榭荒涼草數邱。羊侃歌姬辭苑苑。
謝公綠竹剩空樓。門留賣帖風吹白。柅過橋心水不流。可憐一品令公孫。曾是當年看殺人。
飄泊鰥魚身一個。春雨樓中淚潛墮。唱斷秋山紅豆枝。曉風殘月真無那。吳苑三更烏夜啼。
南唐一闋家山破。芳草茫茫六代煙。白頭重過柳屯田。耳聾怕聽興亡事。冠伯兩耳聾手滑能調
斷續絃。乞食吹簫歸不得。為人權作李龜年。樂府千章韻更嬌。旗亭雪小月輪高。曲終酒散
琵琶斷。剩有秋江咽暮潮。君為文貞公之孫總督李衛之婿父述作方伯家產籍沒

寄莊容可撫軍五排一百韻

辱唁思親謝。開門畏路長。自歸秦嶺雪。翻戀讀書堂。奉母身將隱。懷公歆豈忘。每逢吳計吏。

時訊丈人行。始憚西門急。徐安子產良。胥師平市價。蕃樂阜金閭。漢地開瀛海。周書訓稚匡。
小咎都檢校。頌繫悉平章。古戍狼烟靜。新禾玉露濃。碑刊王穉子。雨頌段文昌。八耳騰清
譽。關心暗拍張。名儒無覆餗。吾道有輝光。苦憶長安日。羣遊翰墨場。飛揚鴻寶殿。潦倒碧雞
坊。草綠王孫別。槐黃舉子忙。少年文戰銳。傾國飲泉狂。爭勝爭相博。詼諧體類倡。登壇拜孫
策。如意贈姚長。舞或為鸚鵡。裘時典鵲鷗。兩回珠藥榜。一樣姓名香。同是青鴻鵠。誰為白鳳
凰。筵張燒尾宴。人看狀元郎。簇簇宮花好。翩翩馬首昂。高遷孤客館。直入上清房。圍古杉如鐵。
松高鼠似麀。雜花侵獸錦。班管動琳琅。濡蠟中涓侍。燒梨御果嘗。屠歌詩百韻。待漏日三商。
笙磬原同調。人天未隔疆。來看南苑月。借宿屋東廂。款款人同醉。遑遑夜未央。九霄風忽引。
二鳥翼分翔。傾耳鈞韶斷。回頭海影荒。金蓮推白露。銀漢隔紅牆。驚馬何辭棧。禪心不戀桑。
兒寬調禮樂。卜式牧牛羊。沐水唐東海。金陵晉建康。繭絲紛校括。伍伯走踉蹌。吏畏烏銜肉。
民愁烏啄瘡。疏絃矜古調。冶貌薄時妝。格竟停崔亮。廷難辱范滂。鵬鵬悲腐鼠。雞犬別淮王。
乞病風塵外。幽棲鍾阜旁。官聲存野老。世事唱迷陽。角里公超市。庚桑硯礪鄉。青霞暫瀟洒。元
豹識行藏。谷口方名鄭。中丞道姓莊。當街呵赤棒。南面坐凝牀。戲我稱新隸。騎人說弄璋。
公以先得繞梁歌宛轉。雜珮玉丁當。威德顛如故。狂奴態不妨。燈燒除夕夜。佩贈小鞶囊。為
子自夸索長安米。仍催白下裝。尹邢宵避面。王貢約騰驤。寺起浮圖雙。弓彎大屈強。遽將鞍作几。妄

想蟹成筐筮日聞呼較登山笑乞糧。盧生重入夢。衛女不安孀。病馬繩穿鼻。豪牛背服箱。吾
皇剛北面。彼美竟西方。腰鼓離兄弟。函關鬪虎狼。過秦非賈誼。出塞似王牆。衫色侵中嶽。
鈴聲響北邙。從軍新樂府。行客古河梁。太華當頭墜。蓮花刺目涼。裹丞沙漸瀝。甌脫雨淋浪。
墨子書難載。羅侯債未償。守株愁白兔。枯閭厄黃楊。強逐衙官隊。低持手板僵。陳人衣錦繡。
老婦拜姑璋。開府三秦壯。將軍五色盲。但教隨絳灌。不見試鸞黃。雁塔慚名姓。昆池弔漢唐。
毯毼遭祖鶴。來去督郵蝗。京兆眉痕撫。終南樹色蒼。鄉書屏望月。官局興生牂。老父遷江左。
全家別古杭。乘船六月暑。思子九迴腸。風木悲何遽。滄桑事改常。官無三日作。家有四人亡。
髮亂奔蓬葆。腸摧勝涸湯。靈椿看彷彿。孝水飲悽惶。郎罷驚呼困。摩敦苦憶娘。麻衣關洛雨。
萬頃虎牢霜。夾道埋車轂。狂飈斷馬鞅。萋我春草細。此岵白雲傷。返舍空啼影。興機更舉。
喪。卜居尋近市。負土出平岡。恨賦原因別。騷歌漫續芳。深蒙金帶客。遠奠紫霞觴。鴻筆書哀。
輓。銘旌代顯揚。憶雲泥耿耿。感舊笛茫茫。敢寄詩千字。聊當葦一航。崇轅依虎阜。賢弟隔南。
陽。公弟有信銀手都如斷。金心各自將。當茲春滿地。遙想月明廊。化雨沾芳草。離愁寄海棠。
願言崇景德。竹帛永相望。

秋雨數

癸酉九月雨聲譁。一十六日脚如麻。天欲壓我懼不勝。月如羞面常相遮。千个滴殘湘水竹。

一枝流斷芙蓉花。黃雲萬頃委溝壑。垂垂玉粒生青芽。山中高田尚如此。其餘下田尤汙邪。
城中薪價長十重。破籬敗葉爭搜爬。牆傾瓦毀莠生戶。豈無賊盜窺室家。我聞銀河從古無。
人決。一朝水落窮流沙。從此扶桑根爛北斗傾。更何人泛張騫槎。我有一寸刃。能剗妖蝦蟆。
洒掃青天送日月。光照六合無纖瑕。雲深苔滑不可上。且聽兩部吹鳴笳。

八月二十九日同補蘿晴江探桂隱仙庵歸憩古林寺

遊山同隊行。看山各自領。不逢桂花開。且踏桂花影。桂蕊何離離。蓄意如未逞。寒潭明空霜。
禪室納虛景。脉脉夕陽沉。泠泠天風冷。道人登竹樓。彈琴萬山頂。曳杖隨所如。小憩古

林寺。經聲如有人。松花飄滿地。一僧長肩背。萬竹短籬翠。為我滌齋廚。供以伊蒲味。時當晚
課齊。各各參佛義。余亦慧業人。拈花領微示。出門秋正清。下山月猶杳。回頭雲一重。鐘聲渺煙際。
編馬歌為傳將軍作

通典武舉制。土木馬於里間。教人習。編謂躍上馬也。將軍教士。習之較精。

嚴霜白雉演武場。馬騰士飽秋日光。將軍教觀軍士戲。殺石超距試古方。牽來老馬如木馬。
柴立不動僵中央。儀氏丁中帛氏齒。沙囊壓定古渠黃。健兒抹額縛窮袴。短衣都學廣川王。
一人騰蹕類飢隼。卓立馬首當平岡。一人挽鬣肆蹴踘。反腰貼地唱伊涼。或彈雙鞞超陣
過。紙鳶飛起黃頭郎。或翻兜登掛馬腹。倒躍井底追沉光。憨如老熊臥當道。捷如祖髮遊呂

梁健如堯廟橫踴壁。快如樓季踰短牆。超如西域白獅子。望塵嗅地知兵糧。妙如獼猴與狗鬪。羊淫鵝傲蝴蝶狂。人視馬如泰山穩。馬視人如蒼蠅翔。三十六番伎奏畢。六龍閃閃頽西荒。我聞擊賊貴習膽。擲漆醕跳夸精良。又聞武侯制遊兵。二十四陣翼兩旁。侯景難犯緣陣脚。馬隆戰勝因偏箱。似此銀刀兼拐子。橫衝天下何人當。將軍大笑鳴顴起。樹梨普黎歌不止。手舞長劍青天裏。次及戈叉槍槊天。一回一試一自喜。生逢六合無泥滓。不入沙場決生死。但縛大盜三千耳。拖腸格鬪血衣紫。兵法可傳世有幾。願屈張良為弟子。贈汝圮橋書一紙。酒酣長嘆手西指。如此夕陽吾老矣。

送秋二首

秋風整秋駕。閒欲去何方。樹影一簾薄。蟲聲徹夜忙。花開香漸歛。水近意先涼。從此冬心抱。彈琴奏復霜。袖手憑闌立。雲山事事非。雨疎分點下。雁急帶聲飛。楓葉紅雖在。芙蓉綠漸稀。何堪作秋士。歲歲送秋歸。

馬觀五侍講身後園亭黨為酒肆重遊有感

奉誠園裏石闌干。手未憑時淚已彈。我是華堂舊賓客。殘花今與路人看。同園爐火坐西廳。記得靈光舊典型。今日人亡風調在。春山留與酒樓青。

滄桑未滿十年中。門巷淒涼迥不同。一樹桃花無賴甚。主人何在尚鮮紅。

鳳池侍講與兄某北上同卒徐州聞計驚駭為詩以弔

自敵湘竹寫哀詞。雙弔微之與獻之一別便傳人永訣。百年從此事難知。兩行孤鳳朝天去。半夜紅蘭帶雪垂。惆悵浮生真草草。不如落葉有秋期。

似此人難過四十。可憐官正要

三遷。驟聞死信還疑夢。不解傷心最是天。兩代共看誰嗣續。九原花萼轉聯翩。想他風雨彭城夜。錯把長眠作對眠。

自放

自放春歸自黯然。雪飄江上散花天。絳桃遠別楊枝去。未必相依十一年。

苦奪鸞鴛夢

一場誤。卿自誤。怕思量。餘情還託橫塘月。好照羅敷陌上桑。

贈吳將軍并序

將軍吳士勝。從威信公征金川。三戰皆捷。金川奪氣。將軍請往降之。袍而騎酋長橫刀來迎。將軍徑入虜帳。笑曰。暮矣。索枕臥。鼻齁齁甚酣。旦召諸酋。責以大義。譬曉之。諸酋齟齬不得語。乃椎牛行炙。蠻舞雜進。定約正月六日詣大軍降。凱旋天子召見。勞以酒。擢官總兵。癸酉二月挂冠。奉八十七歲老母歸西川。余相見於秦淮酒樓上。聽述前事。喜而贈詩。

天威西討莫離支。有詔將軍匹馬飛。萬種頭顱堆甲帳。九邊風色試征衣。能教鐵勒驚三箭。